

O LE


FAAMATALAGA

O LE

T U S I A P A U L O

IA

E P E R U .



NOTES ON THE EPISTLE TO THE HEBREWS

IN THE
SAMOAN DIALECT.

BY

GEORGE TURNER, LL.D.

4370

LONDON:
THE RELIGIOUS TRACT SOCIETY:
Instituted 1799.



O LE FAITAULAGA SILI.

EPERU. ix. 3.—10.



LE FAAMATA LAGA

O LE

TUSI A PAULO IA EPERU.

O LE tasi lenei tusi a Paulo. Ai na tusia i ona po ia sa nofo ai Paulo i Roma, le laumua o Italia. xiii. 24. Ai o le gagana Eleni na luai tusi ai le tusi nei, o le gagana lea sa masani tele ai tagata i nuu e tele i ia ona po.

Na tusi lenei tusi i tagata o sa Iuta, sa mau i Ierusalem ma isi aai o le nuu paia, o tagata lava ua uma ona liu lotu, ua faatasi lava i le eklesia. O Eperu, o le igoa tele lea sa igoa ai sa Iuta sa mau i le nuu paia; aua sa masani foi i latou ma le upu Eperu. A o sa Iuta sa mau i isi nuu, sa igoa i latou o Eleni. O le gagana Eleni sa masani ai i latou. Sa fai ai foi lotu i lea gagana i o latou sunako.

Na tusi atu e Paulo lenei tusi e faamafanafana atu ai o latou loto, ina nei toe tuumuli i latou i le lotu faa-Iutaia sa latou i ai; auā o ona po ia sa faia pea lea lotu, ma ua faasili pea lava e isi tagata o sauniga faatusa a Mose, peiseai e lei afio mai le Mesia. Sa tele foi le faamalosi o tagata Iutaia ia toe liu lotu tagata o le eklesia, ma faatasi ma i latou i le lotu faa-Iutaia. Ai lava o le tusi nei na matua mautali